

阮亭詩餘
波詞
附錄



衍

波

詞

附錄

王士禎
著

中
華
書
局

叢書集成初編

阮亭詩餘（及其他一種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

衍波詞

此據榆園叢刻本
排印初編各叢書
僅有此本

原序

蓋聞之弇州曰。花閒者。世說之靡也。草堂者。文選之變也。而余以爲不然。花閒句雕字琢。調或未諧。句無不緻。是昌谷之靡也。草堂音協調流。句或未研。體無不秀。是西崑之變也。至所云字必色飛。語必魂絕。則美出自然。誠非緣借矣。常試論前代諸家。文成之於元獻。猶蘭亭之似梓澤也。新都之於廬陵。猶弘治之似伯玉也。琅邪之於眉山。猶小令之似大令也。公謹之於稼軒。猶宣武之似司空也。逮黃門舍人之於屯田。待制直如曹劉之於蘇李。遂覺後來益工。然未有如吾阮亭者也。阮亭年少才豐。無所不擅。千古文義書辭。直欲一時將去。卽如詩餘一事。於阮亭直雕蟲耳。而以余讀之。篝燈蕭寺。中夜琅琅。覺十年中離別之苦。哀樂之多。無不怦然欲動。而豔思綺語。令人手推口維而不能解。則阮亭之移我情。與我情之合於阮亭。誠有不自

知者。又何色飛魂絕之足擬也哉。如余舌本作強。筆底如椎。偶賦短言。無關佳事。卽至同里諸子。好工小詞。如文友之儼豔。其年之嬌麗。雲孫之雅逸。初子之清揚。無不盡東南之瑰寶。以視阮亭。並驅中原。猶恐不免爲黃沛耳。蘭陵鄒祇謨許士譔。

校刻衍波詞序

許君邁孫篤好填詞。與予同嗜。中年以來。予選錄古今人詞。成十餘卷。邁孫則校刻古今名家倚聲別集。宋元以來。成十餘家。予愧汎濫。不及邁孫之博也。今年夏。予謝事賦歸。迺晨夕來榆園。坐竹石間。與邁孫縱論填詞正變。皆以爲王貽上尙書以詩篇弁冕一代。顧論者曰。王愛好。又曰。絕代銷魂王阮亭。其言不盡王詩之量。而於詞適合。出篋中衍波詞寫本共讀之。所謂愛好與銷魂者。其在是與。邁孫以世勳傳本。欣然手校付槧。布諸藝苑。邁孫舊藏阮亭詩餘一卷。祇三十調。有尙書自敘。爲當日手定之本。今據以讎勘。並存敘目附後。嘗讀帶經堂全集。尙書撰述備具。而衍波詞未嘗著錄。殆以少歲綺靡之習弄之。然則予與邁孫垂白之年。方與研尋先正之緒餘。微吟寄想。世事都忘。亦古今人之不相及也。光緒十有三年閏月既望。譚獻

衍波詞序

書於榆園今雨樓下。

衍波詞目錄

卷上

南鄉子 二調

柳枝 五調

南鄉子

點絳脣 二調

菩薩蠻 十一調

醜奴兒令

好事近

憶秦娥

阮郎歸

畫堂春

望江南 五調

竹枝 三調

如夢令 四調

浣谿紗 十三調

卜算子 二調

減字木蘭華 五調

柳含煙

更漏子

玉聯環

海棠春 四調

武陵春

眼兒媚 二調

桃源憶故人

應天長

西江月 四調

偷聲木蘭華

醉華陰

雨中華

虞美人 二調

醉落魄

小重山 二調

卷下

山華子 二調

朝中措

太常引

惜分飛

燕歸梁

滿宮華

怨王孫 二調

浪淘沙

南鄉子

踏莎行 六調

臨江仙

蝶戀華 二調

漁家傲 二調

解佩令

御街行

蕙蘭芳引

滿江紅

水調歌頭

聲聲慢

水龍吟

南浦

望湘人

賀新郎 二調

一翦梅

醉春風

婆羅門引

祝英臺近

塞翁吟

尾犯

鳳皇臺上憶吹簫

念奴嬌 二調

拜星月慢

望遠行

沁園春 二調

衍波詞卷上

清 新城王士正貽上著

清 仁和許 增邁孫校

小令

南鄉子 第一體

送別

送客江船孤帆點點沒天邊。卻上高樓臨極浦。日暮。一綫春流如碧。
玉_叶

欲去難留。蜻蛉一葉木蘭舟。細語斷腸人竟去。何處。新婦磯頭煙水。
綠_叶

望江南

秦郵有贈

江南好。風日近秦郵。銀甲暫停朱閣午。玉笙纔度碧雲秋。扶醉且淹留。

江南好。春算雨廉纖。魚子天晴初出水。鼠姑風細不鉤簾。底事惱江淹。

江南好。最好是孟湖。何處情人名碧玉。誰家亭子號真珠。聊爲結相於。

江南好。畫舫聽吳歌。萬樹垂楊青似黛。一灣春水碧於羅。懊惱是橫波。

江南好。又過落華朝。玉茗歌殘情歷歷。金堂人散水迢迢。魂去不須招。

柳枝

本意

鴛鴦湖上水。潄潄黃入東風柳。漸垂湖裏鴛鴦。湖畔柳送儂歸處足儂思。

二月江頭見柳條。千絲萬縷映春潮。銷魂橋上銷魂樹。不到飛華魂亦銷。

趙北口柳枝詞

湖光如鏡復如酥。柳色迢迢入大沽。亭午銀魚風漸小。一颿春水到蠡吾。

樓船彷彿小江南。纔翦谿藤蜀罽帆。飛華相送向何處。柳外官橋黃布帘。

湖外垂楊湖上菱。夜來春水欲齊桡。波浮碧藻金魚尾。風墮紅鈕玉翦巢。

竹枝

東粵竹枝詞

珠璣十五嫁珠兒。住近珠江江水湄。江水有情還照妾。江華無計可留伊。

沈香浦上華如雪。玉鏡臺邊人似霞。醉下蘭舟馱細馬。不知今夜宿誰家。

零丁洋裏布帆行。別後春潮帶雪生。昨日高樓望晴色。素馨華滿五羊城。

南鄉子 第三體

夏詞

菱刺綠。藕華香。小姑相喚出橫塘。隔浦少年私致語。忘歸去。日暮水寒飛屬玉。

如夢令

春晝

簾外游絲片片晝。靜碧虛常卷。翠雀下花陰。啄破春痕一綫。誰見誰見。清淚朝朝洗面。

和漱玉詞

送別西樓將暮望。斷王孫歸路。昨夜夢郎歸。還是舊時別處。前渡前渡。記得柳絲春鷺。

簾額落華風驟。春思慵如中酒。久待不歸來。解說相思如舊。堪否堪否。坐盡寶釵香瘦。

題葉欣畫漢宮秋晚

道是江潭小苑。又是披香宮殿。蓮葉悴金塘。何處羊車鳳輦。秋晚秋晚。有箇人悲歎扇。

點絳脣

春詞和漱玉韻

水滿春塘。柳絲又蘸黃金縷。燕兒來去。陣陣梨華雨。情似黃絲。歷亂難成結。凝眸處。白蘋青艸。不見西洲路。

懷程邨游西湖

森森西陵。聞君南去尋蘇小。六橋春曉。處處游絲繞。回首臨安。往事傷懷抱。空春艸。吳歛清妙。且把金尊倒。

浣谿紗

春閨

柳暝華寒雨似酥。流鶯和夢覺來無。東風料峭卷蝦鬚。欲覓簾湘屏上路。楚山如黛少雙魚。口脂慵點鏡中朱。小院蘼蕪欲作叢。秋千池畔畫堂東。日斜鶯囀謝娘慵。情思詭人何處去。碧桐陰裏小簾櫳。玉釵微墮髻鬟鬆。